



**UNIVERSITETI I PRISHTINËS**  
**UNIVERSITY OF PRISHTINA**

Rr. Xhorxh Bush, Ndërtesa e Rektoratit, 10 000 Prishtinë, Republika e Kosovës  
Tel: +381 38 244 183 • E-mail: rektorati@uni-pr.edu • www.uni-pr.edu

Nr. Prot.: 704  
Datë: 1/4/2025

Senati i Universitetit të Prishtinës, në bazë të nenit 46 pika 1.4 të Statutit të Universitetit të Prishtinës, në bazë të nenit 73 të Statutit të UP-së, nenit 100 të Statutit dhe Rregulloren për studime të doktoratës, në mbledhjen e mbajtur me 26 mars 2025, shpall:

## KONKURS

### *për pranimin e studentëve në studimet e doktoratës në vitin akademik 2025/26*

1. Universiteti i Prishtinës në studimet e doktoratës për vitin akademik 2025/2026 do të pranojë deri në **51** studentë, në shtatë (7) programe studimore në kuadër të pesë (5) fakulteteve.
2. Në kuadër të numrit të përgjithshëm të përcaktuar si në paragrafin 1, bazuar në UA nr. 09/2016 MASHT-it, Universiteti do të regjistrojë deri në 12%, përkatësisht deri në nëntë (9) studentë të rregullt nga komuniteti jo-shumicë. Kuota prej 12% të vendeve të rezervuara për regjistrim të studentëve nga komuniteti jo-shumicë do të shpërndahet në mënyrë proporcionale sipas përqindjes së numrit të përgjithshëm të studentëve për secilin departament apo program të fakulteteve.

Departamenti-Programi	Per studime te rregullta	Kandidatë nga komunitetet jo-shumicë 12%	Gjithsej
<b>FIEK</b>			
Studime të doktoratës në Inxhinieri Elektrike dhe Kompjuterike PHD 180ECTS (A)	11	1	12
<b>Fakulteti i Mjekësisë</b>			
Programi Mjekësi Klinike	9	1	10
Programi Shëndet Publik	3	1	4
<b>Fakulteti i Edukimit</b>			
Doktoratë në Shkencat e Edukimit (Program i përbashkët/ Doktoratë e dyfishtë) sipas orientimeve më poshtë:	9	1	10
Mësimdhënia dhe të nxënit (edukimi lëndor 5 vende dhe edukimi I përgjithshëm 2 vende )	6	1	
Politikat arsimore	1		
Edukimi në fëmijërinë e hershme	1		
Edukimi inkluziv	1		
<b>Fakulteti i Filologjisë</b>			
Gjuhësi	4	1	5
Letërsi	4	1	5
<b>FSHMN</b>			
	5		5

Kimi	5	5
<b>GJITHSEJ</b>		<b>51</b>

## I. KUSHTET E KONKURSIT

1. Të drejtë konkurrimi për regjistrim në studimet e doktoratës kanë kandidatët me notë mesatare të të dy niveleve të studimeve (BSc +MSc)/2  $\geq 8.00$ ), jo më të ulët se 8, të diplomuar në njërin nga nivelet vijuese:
  - 1.1.Të diplomuarit para hyrjes në fuqi të studimeve, sipas Deklaratës së Bolonjës, të cilët duhet të jenë magjistra të shkencës përkatëse;
  - 1.2.Të diplomuarit pas hyrjes në fuqi të studimeve në bazë të Deklaratës së Bolonjës, niveli i studimeve master shkencor;
  - 1.3.Të diplomuarit që kanë së paku 300 kredi European Credit Transfer (ECTS). Ekuivalentimin e notave për studentë nga jashtë Kosovës e bën Komisioni për pranimin e studentëve.
2. Senati i universitetit, me propozimin e njësisë akademike dhe pas shqyrtimit në Këshillin Qendror të Studimeve të Doktoratës, merr vendim përfundimtar për pranimin e studentëve në studimet e doktoratës. Lista me kandidatët e pranuar shpallet me të gjitha të dhënat e kritereve të përzgjedhjes, publikisht në uebfaqen e njësive akademike dhe në uebfaqen e universitetit.
3. Parakusht për vlerësimin e kandidatëve është dorëzimi i dokumentacionit përkatës nga ana e tyre ku, përveç tjerash, duhet të përfshihen: letra motivuese, në të cilën arsyetohet interesi për kërkime shkencore/artistike në fushën përkatës; koncepti ideor i hulumtimit; dëshmitë lidhur me suksesin në secilin nivel të studimeve paraprake; dëshmitë për njohjen e gjuhës angleze nga ndonjë institucion i njohur dhe i pranuar në nivel ndërkombëtar; dëshmitë lidhur me publikimet përkatëse (shkencore/artistike) nëse ka, si dhe letër zotimi apo konfirmimi i një profesori në fushën përkatëse se është i gatshëm të mentorojë kandidatin në temën përkatëse. Lista e plotë e dokumentacionit të nevojshëm për vlerësimin e kandidatëve specifikohet në konkursin publik.
4. Koncepti ideor i hulumtimit duhet të prezantohet para komisionit për vlerësimin e aplikantëve për secilin program, të cilin e cakton këshilli i fakultetit, i cili edhe e bën vlerësimin e tij, duke përfshirë së paku komponentët në vijim:
  - Titulli;
  - Abstrakti;
  - Hyrja;
  - Çështja kërkimore, pyetja/et kërkimore dhe hipoteza/t;
  - Korniza teorike, literatura relevante;
  - Inovacioni, relevanca dhe kontributi i synuar shkencor;
  - Të dhënat dhe metodologjia e propozuar;
  - Metoda/t e analizës së të dhënave;
  - Plani i punës;
  - Referencat.

5. Koncepti ideor i hulumtimit vlerësohet deri në 40 pikë, kriteret e detajuara të vlerësimit të konceptit ideor përcaktohen për secilin program dhe shpallet në konkurs.
6. Njësitë akademike, së bashku me kërkesën për konkurs, duhet ta dërgojnë edhe listën e mentorëve që i plotësojnë kushtet për mentorim.
7. Kriteret e përcaktimit të përparësisë në radhitjen e kandidatëve janë:
  - 7.1. Kandidatët duhet t'i kenë të përfunduara studimet paraprake në fushën e njëjtë ose të afërt me studimet e doktoratës. Fushat e afërta përcaktohen nga njësia akademike përkatëse, vlejnë për tërë periudhën e akreditimit të programit përkatës dhe publikohen në konkurs, në kuadër të kushteve të veçanta për njësinë akademike përkatëse. Vlerësimi i fushave të kandidatëve, të cilët studimet i kanë kryer në fakultete ose universitete tjera, bëhet nga ana e Këshillit të studimeve të doktoratës, para se ata t'i nënshtrohen prezantimit publik.
  - 7.2. Nota mesatare gjatë studimeve në nivelin baçelor dhe master, përkatësisht nota mesatare e studimeve të integruara, vlerësohet maksimalisht me 40 pikë, të cilat llogariten duke shumëzuar notën mesatare aritmetike me 4.
  - 7.3. Aktiviteti kërkimor-shkencor/profesional, siç dëshmohet me botimet dhe prezantimet si në vijim, vlerësohet me vlerë maksimale deri në 20 pikë:
  - 7.4. Për çdo artikull të publikuar në pesë vjetët e fundit dhe të indeksuara në Web of Science (SCIE, SSCI dhe AHCI) dhe/ose SCOPUS (Q1, Q2): autori i parë/korrespondent 5 pikë, bashkautori 2 pikë;
  - 7.5. Për çdo artikull të publikuar në pesë vjetët e fundit dhe të indeksuar në SCOPUS (Q3, Q4) autori i parë/korrespondent 3 pikë, bashkautori 1 pikë;
  - 7.6. Për fushën e mjekësisë për specializimin e përfunduar vlerësohet me 5 pikë.
  - 7.7. Për çdo artikull të botuar në pesë vjetët e fundit në revista të tjera ndërkombëtare të indeksuara: autori i parë 3 pikë, i dyti 2 pikë, të tjerët 1 pikë;
  - 7.8. Për çdo artikull të publikuar në pesë vjetët e fundit në revista akademike vendore, që botohen nga Universiteti i Prishtinës ose nga qendrat apo institutet e tij, nga Akademia e Shkencave dhe e Arteve e Kosovës, nga Instituti Albanologjik dhe nga Instituti i Historisë, të cilat i nënshtrohen recensionit shkencor: autori i parë 2 pikë, të tjerët 1 pikë;
  - 7.9. Për çdo prezantim gojor të punimit në pesë vjetët e fundit në tubime (konferenca, kongrese, simpoziume) ndërkombëtare shkencore të indeksuar dhe të botuar në përmbledhjen e punimeve: autori i parë 2 pikë, të tjerët 1 pikë;
  - 7.10. Për çdo prezantim në formë posteri të punimit në pesë vjetët e fundit në tubime (konferenca, kongrese, simpoziume) ndërkombëtare shkencore, të indeksuar dhe të botuar në përmbledhjen e punimeve: autori i parë 1 pikë, të tjerët 0.5 pikë;
  - 7.11. Për çdo prezantim gojor në pesë vjetët e fundit në tubime (konferenca, kongrese, simpoziume) shkencore me karakter vendor: autori i parë 1 pikë, të tjerët 0.5 pikë.
8. Publikimet në revista dhe botues të dyshimtë, siç janë të definuara në rregulloren në fuqi për procedurat përzgjedhëse lidhur me emërimin e personelin akademik, nuk merren

---

parasysh. Në këtë rregullore, ky kufizim është i aplikueshëm edhe në rastet tjera kur bëhet fjalë për revista dhe botues të tyre.

9. Në rastin e pikëve të barabarta, përparësi i jepet kandidatit që është staf i rregullt i UP-së.
10. Kandidatët mund të fitojnë 40 pikë nga nota, 20 pikë nga kontributet shkencore/artistike dhe maksimalisht 40 pikë nga prezantimi i konceptit ideor.
11. Çdo kandidat duhet të dëshmojë njohuri të gjuhës angleze, të paktën në nivelin B2, përkatësisht të ketë dëshmi nga testet ndërkombëtare të njohura, TOEFL iBT (minimumi 72 pikë) ose IELTS (minimumi 5.5). të administruara nga institucione të akredituara sipas Kornizës së Përbashkët Evropiane të Referencës për Gjuhët (CEFR). Certifikatat e TOEFL iBT dhe IELTS janë të vlefshme për 2 vjet nga data e lëshimit të tyre
12. Njësitë akademike mund të vendosin kërkesa plotësuese, nëse të njëjtat nuk bien ndesh me Statutin e UP-së dhe me këtë rregullore. Kërkesa/t plotësuese specifikohen në konkursin përkatës, të publikuar pas akreditimit të programit të doktoratës dhe vlejnë për tërë periudhën e akreditimit.
13. Procesi i pranimit organizohet dhe administrohet nga njësitë akademike, duke respektuar standardet më të larta akademike. Në rastet e prezencës së konfliktit të interesit, duhet të evitohet në tërësi përfshirja e personelit përkatës në të gjitha fazat e procesit pranues. Në rastet e tilla senati i universitetit mund të kërkojë nga fakulteti që të marrë masa shtesë me qëllim të evitimit të diskreditimit të procesit pranues.

## **II. KUSHTET E VEÇANTA TË KONKURSIT TË PËRCAKTUARA NGA FAKULTETET PËRKATËSE**

### **FAKULTETI 1 SHKENCAVE MATEMATIKE-NATYRORE**

Programi Kimi- 5 kandidatë

Vlejnë kriteret e përgjithshme të konkursit

### **FAKULTETI I INXHINIERISË ELEKTRIKE DHE KOMPJUTERIKE**

1. Të drejtë aplikimi kanë kandidatët të cilët kanë përfunduar studimet paraprake, bachelor dhe master, në Inxhinieri Elektrike dhe Kompjuterike.
2. Nga pjesa profesionale e provimit pranues kandidatët mund të fitojnë maksimalisht 40 pikë (prej të cilave 24 pikë nga pjesa me shkrim dhe 16 pikë nga prezantimi para komisionit përkatës):
  - 2.1 Provimi me shkrim – nga metodologjia e hulumtimit shkencor dhe shkencave të inxhinierisë elektrike dhe kompjuterike. Kjo pjesë vlerësohet 24 pikët e parapara nga provimi pranues.
  - 2.2 Koncepti ideor – të jetë max 3 faqe A4, fonti 12, pa hapësira dhe të përmbaj: përshkrimin e problemit hulumtues bazuar në literaturë të publikuar në revista prestigjioze, pyetjet hulumtuese, metodologjinë hulumtuese, një plan të hulumtimit, si dhe referencat përkatëse. Ky koncept se bashku me prezantimin me gojë vlerësohet 16 pikët e parapara të provimit pranues.

## **FAKULTETI I MJEKËSISË**

### **1. Programi Mjekësi klinike**

Të drejtë aplikimi kanë kandidatët, të cilët kanë përfunduar studimet në drejtimin *Mjekësi e Përgjithshme*.

### **2. Programi Shëndet Publik**

Përveç kandidatëve që kanë përfunduar Fakultetin e Mjekësisë, Stomatologjisë dhe Farmacisë, të drejtë aplikimi kanë edhe ata që kanë përfunduar studimet në nivelin bachelor dhe master shkencor në fusha të lidhura me Shëndetin Publik. Kriteret e detajuara për pranimin do të bazohen në Rregulloren për studimet e doktoratës dhe kërkesat specifike të programit

Kandidati/ja në programet e doktoratës në Fakultetin e Mjekësisë duhet të dorëzojë *Konceptin ideor të hulumtimit* origjinal në fushën përkatëse të programit të doktoratës që aplikon.

Përmes *Konceptit ideor të hulumtimit* kandidati artikulon idenë hulumtuese, vizionin dhe metodologjinë e tij/saj për zhvillimin e një projekti hulumtues në një fushë ose temë specifike të drejtimin përkatës. Koncepti ideor i hulumtimit duhet të përmbajë hyrjen me artikullimin e problemit hulumtues dhe mbështetjen me literaturë të publikuar në revista prestigjioze, pastaj rëndësinë shkencore të konceptit ideor të hulumtimit, qëllimet, hipotezat dhe metodologjinë e përmbledhur me të cilën planifikohet ai hulumtim, si dhe literaturën (së paku 10 referenca përkatëse).

Në aspektin teknik, ky propozim duhet të paraqitet përmes një teksti të shkruar prej më së shumti 3 faqeve të programit *Word*, me madhësi shkronjash nr.12 dhe pa hapësira midis rreshtave.

## **FAKULTETI I FILOLOGJISË**

1. Programi Letërsi ofrohet për kandidatët që kanë përfunduar studimet paraprake në këto programe të Fakultetit të Filologjisë, Universiteti i Prishtinës: Letërsi shqipe, Gjuhë dhe letërsi angleze (profili Letërsi), Gjuhë dhe letërsi frënge, Gjuhë dhe letërsi gjermane, Gjuhë dhe letërsi turke dhe Orientalistikë, si dhe për kandidatët që kanë përfunduar studimet e profilizuara në fushën e letërsisë në përgjithësi. Kandidatët, për pjesën profesionale, do t'i nënshtrohen provimit për njohuritë nga fusha e letërsisë.
2. Programi Gjuhësi ofrohet për kandidatët që kanë përfunduar studimet paraprake brenda fushës së gjuhësisë në Fakultetin e Filologjisë, Universiteti i Prishtinës: Gjuhë shqipe, Gjuhë dhe letërsi angleze (profili gjuhësi), Gjuhë dhe letërsi frënge, Gjuhë dhe letërsi gjermane, Gjuhë dhe letërsi turke dhe Orientalistikë si dhe për kandidatët që kanë përfunduar studimet e profilizuara në fushën e gjuhësisë në përgjithësi. Kandidatët, për pjesën profesionale, do t'i nënshtrohen provimit për njohuritë nga fusha e gjuhësisë.

## **FAKULTETI I EDUKIMIT**

Programi i Doktoratës në Shkencat e Edukimit, është një program i përbashkët me Universitetin e Lublanës, Fakultetin e Edukimit sipas formës 'Diplomë e dyfishtë', i cili ofrohet në gjuhën angleze. Prandaj, parakusht për të aplikuar në këtë program është dëshmia nga testet e njohura ndërkombëtarisht, TOEFL dhe IELTS që janë administruar nga institucionet e akredituara sipas

kornizës së përbashkët evropiane të referencës për gjuhët (CEFR) me minimum 79 pikë për TOEFL dhe minimum 5.65 pikë për IELTS.

Provimi pranues:

- a) 10 pikë nga testi me shkrim nga metodologjia e hulumtimit dhe konceptet nga teoria e edukimit.
- b) 20 pikë nga prezantimi dhe arsyetimi i projektit hulumtues/koncepti ideor i hulumtimit. Ky koncept përfshinë arsyeshmërinë, kornizën teorike të studimit të propozuar, metodologjinë e propozuar të hulumtimit dhe kontributin e pritur teorik e praktik (jo më gjatë se pesë faqe). Vlerësimi i projektit ideor bëhet sipas kriterëve për një hulumtim cilësor duke u përqendruar në rigorozitetin metodologjik, relevancën e temës së propozuar, cilësinë e kornizës teorike dhe literaturës së shqyrtuar si dhe kontributit të pritur shkencor të hulumtimit.

Për t'u konsideruar për pranim kandidati duhet të ketë siguruar 50% të pikëve nga provimi pranues.

Pjesa tjetër e pikëve merret parasysh në rangim sipas kërkesave të konkursit dhe në harmoni me rregulloren për studime të doktoratës në Universitetin e Prishtinës.

Orientimi në program:

Parimi bazë është që duhet të ekzistojë vazhdimësia e studimeve master në raport me orientimet e ofruara brenda këtij programi të doktoratës duke përfshirë profilin e programit master dhe temën e masterit. Studenti mund të zgjedh njërin nga orientimet si më poshtë:

- Mësimdhënia dhe të nxënit: mund të orientohen të kualifikuarit master në fushat lëndore (akademike dhe arsimore) të gjuhës dhe letërsisë shqipe, matematikës, shkencave të natyrës, teknologjisë dhe TIK-ut, shkencave shoqërore, apo edukimit për STEAM. Ndërsa për profilin e edukimit të përgjithshëm mund të orientohen të diplomuarit nga programet si 'Mësimdhënia dhe kurrikula', 'Pedagogjia' apo programe të tjera të ngjajshme të natyrës së përgjithshme arsimore.

- Politikat arsimore: mund të orientohen të diplomuarit nga programet e menaxhimit ose udhëheqjes arsimore dhe pedagogjisë apo programet e tjera të përafërta me fushën e menaxhimit që komisioni i konsideron relevante në kombinim me përvojën profesionale të kandidatëve.

- Edukimi në fëmijërinë e hershme: mund të orientohen të diplomuarit nga fusha e edukimit të hershëm, mësimdhënies dhe kurrikulës, pedagogjisë dhe psikologjisë që fokus kanë pasur studimin e edukimit dhe zhvillimit në fëmijërinë e hershme.

- Edukimi inkluziv: mund të orientohen të diplomuarit nga fusha e edukimit inkluziv, mësimdhënia dhe kurrikula, pedagogjia dhe psikologjia arsimore/shkollore (me kusht që temat e masterit janë poashtu të fushës së edukimit inkluziv).

Shenim: të diplomuarit nga institucionet jopublike nuk kualifikohen për këtë program sipas nenit 16.5 të ligjit për arsimin e lartë në Republikën e Kosovës.

### **III. DOKUMENTET E NEVOJSHME PËR APLIKIM**

Parakusht për vlerësimin e kandidatëve është dorëzimi i dokumentacionit origjinal si në vijim:

1. Certifikatën ose ekstraktin e lindjes (jo më të vjetër se gjashtë-6 muaj);

2. Diplomën dhe certifikatën e notave (origjinale ose të noterizuara) nga nivelet studimeve paraprake në studimet баçelor, master ose magjistratura shkencore, ndërsapër Fakultetin e Mjekësisë diplomën dhe certifikatën e notave nga niveli i studimevethemeloře (5-6 vjeçare);
3. Kandidatët që kanë kryer shkollimin jashtë Republikës së Kosovës, duhet t'i nënshtrohen njohjes së diplomës, me qëllim vazhdimin e studimeve, duke ndjekur procedurën sipas Statutit të Universitetit të Prishtinës;
4. Biografinë;
5. Letrënmotivuese (në të cilin arsyetohet interesi për kërkime shkencore/artistike në lëmin përkatës);
6. Konceptin ideor të hulumtimit;
7. Rekomandimet e dy profesorëve nga lëmi përkatës;
8. Dëshmitë (origjinale ose të noterizuara) për njohjen e gjuhës angleze (nëse posedojnë certifikatë ndërkombëtare TOEFL me se paku 72 pikë ose IELTS me se paku 5.65 pikë);
9. Dëshmitë lidhur me publikimet / prezantimet nga veprimtaria kërkimore-shkencore (nëse posedojnë);

Paraqitja e dokumenteve të kompletuara bëhet në Fakultetet përkatëse në formë fizike dhe përmes aplikimit elektronik, në adresën: [apliko.uni-pr.edu](http://apliko.uni-pr.edu)

#### IV. AFATET E KONKURSIT

- a) Konkursi hapet nga data 02.04.2025 deri më 02.06.2025.
- b) Pjesa profesionale e provimit pranues mbahet me datë 09.06.2025, në orën 10:00. Informatat për sallat e mbajtjes së provimit pranues, do të publikohen në uebfaqe të fakultetit përkatës.
- c) Rezultati preliminar do të shpallet më së largu më 11 qershor 2025.
- d) Ankesat e kandidatëve do të dorëzohen në njësitë përkatëse akademike, me datën 11 dhe 12 qershor 2025.
- e) Rezultati përfundimtar do të shpallet me 16 qershor 2025.
- f) Raportet me rezultatet përfundimtare dhe dokumentet tjera përcjellëse do të procedohen në KQSD, me së largu deri me 20 qershor 2025.
- g) Data e regjistrimit të kandidatëve të pranuar do të publikohet pas vendimit përfundimtar të Senatit.

